

06.05.2020.



Osnivačka Skupština Udruženja poslodavaca BPK Goražde: 06.05.2005.godine

06.05.2005.godine na Osnivačkoj skupštini formirano je Udruženje poslodavaca BPK Goražde.

Na inicijativu grupe uglednih privrednika na današnji dan prije 15 godina i zvanično je oformljeno Udruženje poslodavaca BPK Goražde sa ciljem ostvarivanja slijedećih ciljeva:

- Predstavljanje i zastupanje interesa članova u odnosima sa Sindikatima i Vladom
- Ostvarivanje uticaja na poboljšanje i razvoj poslovnog i makroekonomskog okruženja
- Pružanje stručne pomoći i podrške članovima u različitim oblastima i djelatnostima (porezi, pravna pitanja, socijalna politika i dr.)
- Da predloži neophodne zakonske, socijalne i administrativne mjere za jačanje, održavanje

i sistematično razvijanje privrede

- Da prati i organizira profesionalnu edukaciju i drugo

Smatramo da je Udruženje poslodavaca BPK Goražde kroz svoj petnaestogodišnji rad opravdalo svoje postojanje i ispunilo svoju misiju.

Za 15 godina Udruženje je postalo prepoznatljiv partner Vlasti, posebno kroz Ekonomsko-socijalno vijeće u kojem je Udruženje poslodavaca legitimni predstavnik poslodavaca u pregovorima sa Vladom i Sindikatom.

Kroz ovaj period Udruženje poslodavaca je nastojalo da radi na promovisanju privrednog potencijala BPK Goražde.

S tim u vezi, urađeno je nekoliko je projekata koji su na najbolji način predstavili privredne subjekte sa područja BPK Goražde:

- „Katalog privrednih subjekata BPK Goražde“ 2010.godine
- „Privredni vodič BPK Goražde“ na bosanskom i engleskom jeziku 2015.godine
- „Promotivni film o privrednim subjektima“ 2018.godine
- Web stranica Udruženja poslodavaca 2010.godine

Udruženje poslodavaca kroz ovaj period veliki dio svog rada je fokusiralo na praćenje zakonskih

propisa i nastojanje za smanjenje fiskalnih i parafiskalnih nameta, što se i u nekom dijelu i uspjelo.

Konstantno smo nastojali kroz različite vidove i da educiramo naše članstvo.

Za to je primjer poslednjeg projekta „Edukacija poslodavaca“ kojeg smo radili u 2019.godini u saradnji sa „Reviconom“.

Urađen je registar svih propisa (zakona, uredbe, pravilnika) na nivou Bosne i Hercegovine, Federacije Bosne i Hercegovine i Bosansko-podrinjskog kantona Goražde koji se redovno ažurira i članovi Udruženja poslodavaca redovno obavještavaju o novim propisima, kao i o izmjeni postojećih.

Pod ostale događaje zasigurno se može ubrojiti poslovna konferencija „PIT DRINA 2019“, organizovanje Centrralnog dnevnika sa Senadom Hadžifejzovićem iz Goražda i mnogi drugi važni događaji.

Zbog situacije sa pandemijom korona virusa nismo u mogućnosti obilježiti ovaj mali ali značajan jubilej, ali stoga na ovaj način svim članovima Udruženja poslodavaca BPK Goražde čestitamo 15 godina od osnivanja Udruženja, sa željom da buduće jubileje dočekamo u boljim vremenima i zajedno mnogo jači.

Linkovi sa važnih događaja:

Osnivačka Skupština: [https://www.youtube.com/watch?v=ia2blB9-6\\_s&t=1s](https://www.youtube.com/watch?v=ia2blB9-6_s&t=1s)

Obilježavanju 10 godina Udruženja poslodavaca BPK Goražde: <https://www.youtube.com/watch?v=ihTMijlNIME>